

吳文節公遺集

吳文節公遺集卷七十八目錄

賦

冰嬉賦

木蘭秋獮賦

精金百鍊賦

竹報平安賦

吳文節公遺集卷七十六

男養原謹編

賦

冰嬉賦

以金石絲竹匏土革木爲韻

歲窮元律候積重陰羣材肅毅萬力蕭森

天子乃體宣布令撫序敦臨懋舉國典導乎脩濬率七  
萃之士而較藝妙五材之用而因心卽一游而一豫用  
式玉而式金先是北陸占辰太史典策享司寒則黑牡  
巨黍之陳納凌陰則窮谷深山之適

天子曰此歲習之常儀有凌人之專責尙未足順天時

而盡物役也遂乃召武臣案兵籍集羽林循太液天迴  
凝塵池平瑩石五校星羅八旗雲積莫不足企頻翹手  
駢若戟氣勃怒而思騰俟

一人之品覈於是

乘輿乃出法駕時移遙瞻芝蓋虛控鞭絲惟舟之駛匪  
楫之施琉璃碾而鵠首直鏡匳平而

龍顏怡咸容容而與與企瀛臺以登之左則玉虹跨以  
蜿蜒兮右則景山峙以屢屨前海子俯以曠朗兮中崇  
殿坐以坦夷紛糾桓之萬隊兮將角力以逞奇爾迺靜  
如山凝排如陣肅戎政無譁軍容有穆觀其始則意尙

盤旋勢彌退縮竦全神若不勝具定力而故蓄俄著屐  
之鏗然兮貌亭亭其特矗等立錐之卓爾兮待破空而  
一蹴豈踏浪之隨急湍兮箭紛馳夫勁竹恍背水之審  
機宜兮息屏營而蹢蹢繼乃縱輕體健雙骹趾不及停  
目不及交瞥若電掣迅若鳥鈔風雨倏其驟馳兮等寄  
身於懸匏雖良駿不能以逮兮半長途而垂韜魚龍豈  
得並其曼衍兮徒潛蟄於深坳馮夷莫敢出而掀舞兮  
駭促節於鳴鏜疑疑躡虛而遠翥兮剛一瞬而影捎迢途  
極而忽止兮各靜謐而不譟於是汔小休旋復伍門闢  
雙旌毳懸一縷最後勁以重申厲餘勇而更賈擇處而

視詳先中而力努趨捷兮若猿猱之升飄忽兮似鸢輪  
之鼓或得雋而先驅或反掌而空拊事畢功宏神閑態  
煦猛氣肅乎寒雲威棱震乎率土

天子於是卹然榮神進司馬而詔之曰茲役也所以考  
舊章式羣辟奮技擊之軍聲勤簡練於農隙豈其馳騁  
是矜張皇增劇侈游戲以盛觀極盤樂而自憚哉

德音昭士怒釋頒賚有差靡不被澤續未挾而先溫言  
已就而咸革回

蹕旋車赫赫奕奕於是六軍驩呼膏雨共沐知我

皇之簡衆而習勤者非以誇娛游於耳目也百爾從容

屬車其復知我

皇之夙駕而戒寒者非以炫觀瞻於角逐也不然彼踣  
蹴之闢乎廣場都盧之捷乎竿木爭鬪巧以呈能祇小  
技之碌碌曾無當夫事功又奚足語於

聖人之幬覆

木蘭秋獮賦

以秋獮大典詰戎肄武爲韻

於赫兮

聖謀布濩

神武遐周務習勞而舍逸用簡衆而大蒐彌遼廓於區  
夏順嚴肅於高秋蓋所以詰戎懷遠而非侈夫于田于

游是以協戍吉揭辰旂五兵星匝七萃雲侔

玉軌和鳴於

蹕路金湯輦峙乎遐陬弧矢威而聲靈暨儀衛肅而武功修度宏規於靈囿小卑制於梁鄒三田於以告備百辟於以懷柔翳木蘭之奧區實靈異所曼衍廣漠之環砥平高原之表鏡展北則興安龍從羣峯疊巘鬱嶮隱嶙而捫天嶺巖參差而錡獻東則伊遜徐回瀾恬波宴九川湊而奔揚衆壑赴而漾演林迴風橫沙柔草淺昔以游牧用闢乎廣場今則講武特勤乎

翠輦蓋千數百里之周環狝狝牲牲或蹲而或俛者相

與蕃息乎巨區以待

一人之誓獮

天子乃以時訓六駟

臨四會曳捎星之旃振凌霄之旆矢挾僕姑弓弛唐大  
風伯導而清塵雨師先而驅璫和

鸞輅以玲瓏洽

湛恩之汪濊仰

六飛之時勤德每歲而必沛欽

駐蹕於

仙莊樂雲山之罨靄時則猶未至乎峭門也而已震懼

於威棱之無外爾其淫淫與與桓桓穢穢五校鋪陳六  
師妙選天朗氣適屯開路緬峯遙峙而地寬鳶前載兮  
風轉營表修部曲辨野絡山籠電掣雲卷賁育効能虞  
衡守典獸駭殫而羣翔鳥拗空而飛踐仰

神妙之機緘先

命中而獲雋此固猶合圍之初也要奚足盡厲武習勤  
之

黽勉至若竟野張罟垂天荷畢戈鋌按行隊伍應律期  
再接以申威故天旋而神扶時則木落風高潦清山峯  
霜寒瓊屋之華月瑩佩刀之秘霄迴鷹拳草枯兔獮雲

斂而弧影懸遙風勁而角聲鳴疾迅不及翔捷不獲延  
王良不必失其馳許少無所角其術三驅之典用彰九  
伐之儀克詰於時公卿濟濟虎旅熊熊諸部星羅而駢  
列六盟雲集而來同馬踏龍沙之月駢吟雁磧之風鹿  
呦鳴而羣失雕整翮而勢窮綠被乎澤藪囊括其雌雄  
仰

天威之震疊欣率土之從公不極盤以爲樂不盡物以  
誇功信足以綏藩而柔遠講事而威戎

天子於是厯上蘭之宮旋先驅之轡攬土宇之雄繹顯  
比之義眺濡水之迴瀾挹閭峯之積翠爰會衆而禽收

遂論功而胙賜大庖獻而不盈流禽豔而是肆解網之  
仁彰割鮮之

惠施元氣調烟燭暨道麗鴻德醇懿彼什榜歌舞之休  
詐馬超驤之異又孰不獻技呈材藉以表恭順之忱而  
丕顯夫綏懷之治然而

天子猶且恐以萬乘之行或怠於五辰之撫也爰乃以  
帷宮之暫居勤

乙覽於政府以

清蹕之乍停勞三接於台輔匪遠畧之誇而綏遠窮乎  
版戶匪從禽之耽而率從周乎藩部夫不且視車攻馬

同爲有加而與文圖騶虞爲接武哉

精金百鍊賦

以質取兼金功資百鍊爲韻

雪液融纔電光掣疾就冶稱良在鎔號吉惟畢致其實  
功乃克成乎美質篠簜偕球琳並致三品珍儲從革與  
炎上交資五行用匹原夫金之爲物也資土相生披沙  
待取瞻麗水之輝騰採首山而力聚堇穴途長耶溪澤  
溥辭燭之劒待觀昆吾之刀可鼓儻是貢來九牧鼎勒  
勲崇如其鑄作五兵匣開燄吐然而材惟資其粹美功  
必賴乎磨漸假使鑪錘莫裕橐籥空瞻冶徒勞其躍躍  
韞未鼓以炎炎則雖雙南品重百餅材兼而徒留頑鈍

絕少鋒銛光彩難瑩曷使貞同樂石胎胚未就何煩洗  
以形鹽且使程功以速占候未深柔難期於繞指斷莫  
利於同心膽水膽土之分罔嚴區別黃白青白之氣未  
暇推尋將鑄錯是虞莫罄九州之鐵成材孰利空懷萬  
鎰之金爾乃資良冶課宗工備鐵官之大法奏橐氏之  
成功乃厲乃鍛如磨如礪雞頭扇火兔膽生風含光芒  
而欲耀汰渣滓而胥融仁看嘉量之成膏傾瀝液豈有  
緄賓之躍橐鼓豐隆則見青精內孕紫燄旁吹以辟以  
灌中矩中規任物象之就裁五材並用疑燭龍之銜曜  
千燦齊施鏡儻鑄以水心精光欲溢劍待倚於空外利

器攸資是則力貴勤求功期日益洪鑪乍啟毋苦竊之  
或留大冶畢收貴堅剛之慎擇晶熒特異錘且以千鎔  
範非常物應號百豈徒滿籛之特色煥若而天成要惟  
巨橐之持聲鏗然而地擲我

皇上煦嫗功周陶鎔

德徧齊五方之俗尙士盡裁成崇四術之攸司業勤研  
鍊所由廣敷聲教人懷砥礪之功共荷鈞甄瑞協器車  
之見式金式玉欽

懿範於北辰如錫如金表

睿謨於南面

竹報平安賦

以禪開修竹日報平安爲韻

李衛公北都駐節蕭寺諮禪繫心泉石游目雲煙拓松  
寮而延伫披莎徑以回旋觀鳳尾兮欣欣得大歡喜茁  
貓頭其个个結勝因緣滌此煩襟快慰林間之問訊忙  
來行腳竟煩事外之郵傳夫以風高朔漠天迴邊關沙  
土培而疑瘡泉脈疏而偏慳禿盡篲管幾曾無恙試將  
筠節猥厯多艱何幸青搖半畝翠撲一灣招提留童子  
之名金揮布地頭角重嬰兒之護玉立分班庶與敦乎  
素契常共把平蒼顏然而境以瞬而多隔時以閱而不  
留乞叢林兮供養悵初地兮阻修恐雪泥兮荏苒致消

息兮沈浮會須大士之頻參慈悲藉蔭遮莫主人之不  
問零落誰尤幾度商量更番往復課倩僧閒令如軍肅  
排日與謀消雲默祝相思匪遠驛豈逢梅傳語儻能箇  
毋削竹恰稱祇園種樹相期養就龍孫非關淇水垂竿  
宛欲緘來魚腹則有名重苾芻行高梵律負荷辛勤主  
持練習闡西竺之流風暢南園之化日蕉當彈後罷封  
事而恬愉蒲想拜餘叩起居而清吉竊願供之談柄如  
意枝枝長教健此吟身虛心一一於是歷佳辰詳近耗  
蒲訊通忱苔綦篤好詞覩縷以駢陳意慇懃而屢報雨  
夕煙晨鵲翔鶴導聞說醉逢中夏不礙微酣還誇笑值

臨風無傷終暴喜三徑之龍吟先一庭之鵲噪衛公乃  
欣然意得豁爾神清謂幽尋之可遂料俗慮之胥平前  
度津梁味參玉版昨宵風雨花卜燈檠那禁千畝在曾  
招此君而入夢莫惜一言饒舌爲佳士以寄聲是知卽  
境而移者情深一往因物以付者感有百端山爲芝隱  
國擅槐安護妙忘憂之用椿多頤壽之歡况復地當堯  
堦韻寫檀欒不可無於一日尙靳培以萬竿寄懷聯瀟  
灑之蹤盼好音而珍重把臂入菩提之境待後約以盤  
桓

吳文節公遺集卷七十七目錄

試律詩

日華川上動

庶民惟星

郎官上應列宿

雲聚岫如複

龍興雲屬

雲歸帶雨餘

春風狂似虎

小風吹水碧鱗開

更哦殿閣薰風句

五風十雨

江入度山雲

先雨耘耨

野舍時雨潤

旣雨晴亦佳

獨釣寒江雪

新晴錦繡紋

四時調玉燭

信如四時

春色滿皇州

風送春聲入棹歌

人日題詩寄草堂

乍暖還寒二月天

四月清和雨乍晴

夜寒應聳作詩肩

川嶽徧懷柔

雨後山光滿郭青

雪晴見山脊

山不讓塵

聚米爲山

看山如讀書

窗中列遠岵

水流心不競

盈科後進

玉水記方流

圓折動珠光

巖泉滴久石玲瓏

石磴瀉紅泉

吳文節公遺集卷七十七

男養原謹編

試律詩

日華川上動

得華字

琉璃蒸一箔曉日散春華川氣全浮動天光任攬挈蓬蓬  
蓬烘欲活采采望彌賒闕晃千重貝標涵十丈霞四圍  
雲上錦五色鏡中花倒影樓臺麗搖空紫翠誇晴暉開  
浩蕩波暈絢交加復旦瞻

虞陸

皇州景物嘉

庶民惟星

得星字

演範徵民好蒼穹示有經雨風從以月箕畢應惟星象  
緯占重漢鴻龐洽四溟列垣孚衆志在野著分形農丈  
輝同朗卽官色共熒泰階符可驗乾度運無停數合登  
天府居原拱

帝廷

仁恩昭子惠

察政式儀型

卽官上應列宿

得官字

衮衮諸卽貴蒼蒼列宿蟠依烏瞻輿府拜爵應過官敘

認珠躔貫冠從粉署彈含香天近咫橐筆日規丸拱極  
微宮耀分曹將位攢象排三五數鵷導九重翰問夜思  
揮草趨晨想握蘭賢能襄

聖治箕畢共臚歡

雲聚岫如複

得雲字

不知雲在岫渾訝岫成雲屹若勢如複潏然吹未分莫  
名青向背都付白氤氲聲瓊迷樵斧巢封誤鳥羣隙剛  
彌絮絮界任錯紛紛曷空新煙路全收舊蘚紋合離爭  
遠態倚伏劃清霧罨畫山容裏宣城寄賞欣

龍興雲屬

得雲字

天矯龍興會垂霄耀異雲半空疑瀉水一氣正連雲雨  
意千峯釀風聲四野聞絮真團簇簇爪尙認紛紛倏忽  
窺鱗次淋漓瀆墨紋躍淵憑觸石起組網勢欲騰  
滄海光還閃夕曛

聖恩施普遍卿喬煥祥氛

雲歸帶雨餘

得雲字

急陣方酣雨歸蹤忽斂雲四圍滋霽霽半晌度氤氲  
爾收全勢油然豁斷紋山空餘溼貯江遠暮潮紛樹色  
濃相護泉聲裏莫聞讓開虹一角曳去水三分風迴開  
新霽天高閃夕曛從知農望慰

恩澤普欣欣

春風狂似虎

得狂字

抖擻春如許和風轉欲狂  
相鳥痕激宕似虎氣飛揚  
撲去花旛護披來草路長  
響應金谷振畫出石尤強  
翦共靈犀利塵教野馬忙  
領高爭掠燕角勁不搏羊  
猛豈關思士雄真合號王

聖徵時若協煦物頌

恩洋

小風吹水碧鱗開

得風字

春水方生後鱗鱗碧漲融  
藻開疑到雨吹去卻因風  
都

東坡先生遺集卷之十一  
覺微和颺纔看淺溜通  
潌河螺黛裏搖曳鴨頭中  
紋疊千絲密痕留一翦工  
皴來波滑笏晃處鏡指銅  
低蹙魚苗聚斜拖燕羽豐  
歌詩

靈沼協煦物仰

宸衷

更哦殿閣薰風句

得涼字

宛爾薰風至哦詩溯有唐  
一篇纔入詠四壁欲生涼  
佳製傳如許煩襟滌不妨  
書宜新練漬譜合靜琴張  
爽籟輕疑襲清思坐豈忘  
天方南陸至地數北窗良  
澄境留雲藹吟懷愛日長

茂時關

睿念

蹕路仰

山莊

五風十雨

得風字

邛治休徵告和甘協雨風地天分紀數巽坎各司功屈  
指輪番應平頭沛澤融采藍披習習畫水蓮空空積氣  
旬剛半占晴幹恰終律周如按候膏徧比旋宮噓拂重  
申後沾濡拆甲中

聖人勤省歲萬物慶綏豐

江入度山雲

得雲字

不辨江何處遙空入望紛幾層包曲岫一氣度歸雲遠  
勢渾疑合流聲渺莫聞直窮青杳藹都付白氤氲虛欲  
收澄練明知界夕曛絮痕黏地去帆影極天分指點噓  
龍窟迷離認鳥羣乘風誰此會吟眺意欣欣

先雨耘耨

得先字

耘方千耦共耨亦四郊連珍重如雲告綢繆未雨先力  
須謀盡地澤好待承天下尺知無爽占分卜有年魚星  
期早晚龍隰課纏聯喚恐鳩聲驟驚隨雉影圓隴會泥  
滑滑宅豈草芊芊

宸極塵農事和甘溥八埏

野含時雨潤

得含字

雨意溟濛歇因時沛澤覃一番膏乍飫四野潤猶含日  
氣澄虛白雲容瀆淺藍踏青黏客屐潑翠活煙嵐鳳試  
溪痕長濃描樹色酣歡欣鳴處烏醞釀浴來蠶漠漠遙  
空羃悒悒遠勢探滋培欽

帝德

恩渥萬方涵

旣雨晴亦佳

得佳字

久厭晴光迴甘霖慰渴懷旣欣膏徧沃亦覺霽能佳曉

日初銜嶺宵燈憶滴階溼猶黏竹粉濃欲活松釵入市  
魚苗長穿林鵲語諧漸烘飛白絮待檢踏青鞵泉好沿  
溪聽山都滿郭排綬豐

恩澤洽

肅又與時偕

獨釣寒江雪

得江字

朔氣壓蓬窗孤蹤寄釣缸立風饒客子裏雪辨漁艘虬  
陣餘威健羊裘薄暖降天光渾若一絲影不成雙舊侶  
迷歸舵前游沒短樁喁聲跼寂寂流勢過淙淙蓑重遙  
灘倚鐘沈遠寺撞好尋迂叟筆一幅寫寒江

新晴錦繡紋

得陵字

組織新晴景裁詩緬少陵錦疑懸處處繡擬刺層層霞  
綺三霄活雲羅一幅激帶拖虹彩煥幢擁日華蒸飛瀑  
光明湧遙山藻繪凝縠皺添漲未衣滑潤苔曾草色茵  
全展林光縛定增

垂裳瞻

聖治時若協休徵

四時調玉燭

得調字

寒暑推遷速休徵玉燭調四時權大柄七政驗同條朗  
朗天行健明明物候饒告豐滋萬寶久照仰重霄珪翦

桐知閨珠輝斗綴杓周環中氣洽改火歲功昭秋矩春  
規肅葭灰土炭標釐工欽

茂對熙績徧臣僚

信如四時

得時字

治安勤畫策刑賞慎攸司信豈違千里衡應配四時成  
功寒煥凜至教露雷施盈缶先孚契循環妙轉移長人  
符可合馭世柄能爲燕雁覘元化豚魚格遠思三綱三  
紀肅執矩執權宜公溥瞻

宸極釐工庶績熙

春色滿皇州

得春字

太和蒸一色大地樂恒春  
暄愛韶光滿風先首  
警淳時雲開鳳闕絲雨  
縐龍津紺綬千畦未紅  
酣九陌塵登臺情徧洽  
吹谷氣都醇苑馬嘶花  
驟宮鶯選樹頻

恩原天上近景向日邊  
新茂育

皇猷協熙熙奉

紫宸

風送春聲入棹歌

得歌字

傳出春如許聲聲水調歌  
送將輕棹外藉與好風多  
吹萬情空濶成雙韻蕩摩  
轉喉飄欲碎得氣盎逾和  
攬暖來天上流音束澗阿  
脆分禽語雜圓度柳陰過  
遠籟三

篙起新痕一鏡磨  
謳吟隨處處汪濊總

恩波

人日題詩寄草堂

得高字

觸撥春消息同心託素毫  
草堂人日勝雲樹蜀山高  
脫橐離懷寫緘梅驛使勞  
鄆筒期後約綵筆試今操  
舊雨三巴阻東風七字豪  
浣花誰曲沼挑菜此晴皋  
物候參天意吟情共我曹  
達夫年進未詩格幾爬搔

乍暖還寒二月天

得天字

春氣來猶淺春光半未全  
雨晴無定候寒暖互攬天  
霞管回前度梅圖話隔年  
幾梭殘雪活一晌峭風傳  
柳信

描纔出花期訊又愆蠶房溫待護鶯語澀難圓吟賞邀  
頭早光陰到眼妍

親耕塵月令農事徧東阡

四月清和雨乍晴

得晴字

計月清和屈芳華靄

帝京潤方含宿雨暖已益新晴燥溼攪都好寒暄較並  
輕麥蒸黃欲透樹染綠初成濃粉描青竹圓苞湛紫櫻  
泥防黏燕觜歌又換鳩聲物態鮮妍盛天工醞釀平

奎章欽

養正茂對愜

皇情

夜寒應聳作詩肩

得肩字

詩味寒能領詩懷夜更妍  
定教鈔十手爲憶聳雙肩  
氣靜蕭森後思澄杳渺先  
一燈和影瘦萬籟共塵捐  
排合成山字清真叩水仙  
忘形鴉瑟縮失笑鷺蹁躚  
長爪通眉相嚴霜皓月天  
東坡坡外寺來日遞吟箋

川嶽徧懷柔

得柔字

川嶽靈奇毓

宮廷德禮優

一人虔祭告兩戒徧懷柔  
時合敷天對功先大地酬  
萬

方環帶礪五等秩公侯後海先河序興雲致雨休盈科  
澄玉鏡作鎮鞏金甌標燎儀恒肅輶軒使特周清  
合撰渟峙奠

神州

雨後山光滿郭青

得青字

滿郭堆如許山光分外青  
渾疑嵐盡活都爲雨初經  
佛髻濃剛洗人家望欲冥  
蔚藍排近闥空翠撲遙垌  
煙渥垂楊路雲開罨畫屏  
螺鬟描淡冶雉堞豁瓏玲  
峯訝飛來貯泉還瀉處聽

御園饒霽景爽氣到軒櫺

雪晴見山脊

得山字

不知何向背積雪滿前山忽訝撐危脊憑教豁霽顏雲  
頭移活活石骨透斑斑四壁明猶晃孤棱瘦益孱遙青  
窺側面虛白壓低鬟旭日凌高負寒光夾道環峯腰隨  
起伏溪口漸潺湲一棹新安境詩情畫亦慳

山不讓塵

得塵字

勵志先虛受如山迴絕倫崇猶資撮壤益豈讓纖塵峻  
極依天宇微茫括地垠高瞻何障翳小補亦峻峭勢任  
千尋矗形偏一粒珍青蒼知積厚緇素自全真有迹隨  
風示無方等日新含宏欽

聖量拜獻最臣鄰

聚米爲山 得爲字

伏波工決策形勢布恢奇  
隴蜀紛瓜剖河山聚米爲干  
巖儲指顧一粟涌須彌豈果  
糟邱接非關飯顆移輿真  
糠析好街是橐名宜疆索憑  
囊括功名捷黍炊沙量何  
足數珠擲亦堪啗耕鑿安

堯世金甌輦四陲

看山如讀畫 得山字

忽覺開圖畫迎人幾疊山  
恍疑披讀後恰值飽看還  
側注橫窺際濃皴淡染間  
怡情兼竹樹設想到荆關  
晴雨

畫俱好煙雲寫或慳天教留粉本客許豁塵顏屐欲峯  
峯徧屏眞面面環

豫游欽

睿賞嵩祝治區寰

窗中列遠岫

得窗字

濃青遮不住列岫遠浮江峭欲凌千仞虛宜貯一窗憑  
欄峯影疊排闥髻痕雙晴色都堆案清游宛駕鸞煙嵐  
懸幅幅雲氣湧幢幢看已開門厭心先拄笏降徑窺樵  
斧密聲遞寺鐘撞爽氣西山挹羣巒拱

帝邦

水流心不競 得心字

止水曾明志臨流亦寫心有源隨活潑不競自淵深波  
靜雲何譎潭空月乍沈理能融萬派量欲渺千尋淡定  
天難滓汪洋度孰任虛中憑激石寄意合鳴琴濠濮同  
茲想江亭記偶吟

至人金鏡握寰海式悄悄

盈科後進 得科字

觀水應知本功由漸進多取盈占利涉就下驗同科爲  
有源頭活如逢峽口過助瀾資別派得勢走盤渦地脈  
區涇渭江流挾汜沱千尋惟積潤一勺豈通波南北分

條遠東西協性和懷柔逢

聖代順軌慶榮河

玉水記方流

得方字

忽訝盈科水量來象取方豈關波特詭知有玉深藏矩  
向旋渦折衡從別派彰浪花森四角寶氣劃中央直使  
滔滔勢能生作作芒誰沈雙珏去合受一盂量韞匱原  
難秘輝山許共望席珍欽

聖德琛賚達梯航

圓折動珠光

得圓字

灼灼光芒動明珠尙閼淵百重驚采耀幾折印流圓寶

氣層瀾擁迴紋曲浪傳大星搖浦澈滿月漾清漣筒眼  
雙渦錯濤頭一綫穿溜還殊磬植湍急比規旋蚌老剛  
盈抱驪馴正熟眠波臣方貢媚

聖德自珍賢

巖泉滴久石玲瓏

得泉字

巖下支叢石巖端挂急泉玲瓏驚鬱鬱涓滴想年年紅  
碧餘聲瀉青蒼舊迹穿百重隨斷續萬竅任鉤連鑿訝  
雲根瘦疑還雪乳圓跳來珠每貫漱去玉都鑄空欲嵌  
三面危方咽一拳清冷思共挹井養戴

堯天

石磴瀉紅泉

得泉字

雲徑天斜入嵯峨石磴延幾層封碧蘚百尺瀉紅泉望  
去疑丹谷飛來界綠煙薜蘿紛纒若琴筑奏泠然遠澗  
添餘漲新茶試曉煎玉山千疊裏珊瑚網半空懸鬱鬱峯  
何峻潺潺溜正濺探幽窮屐迹高詠謝公篇

吳文節公遺集卷七十八目錄

試律詩

人情以爲田

道德爲藩

大廈須異材

應天以實不以文

主善爲師

導氣以樂

執沖含和

儉開福源

勞謙得其柄

信及翔泳

九歌揚政要

近說遠來

左右惟其人

崇舉九賢

九德咸事

循名責實

拔十得五

博選爲本

師克在和

偃伯靈臺

時平壯士無功老

民生在勤

吉人辭寡

遜志務時敏

文垂雅頌音

游思竹素園

染人甚丹青

殿前作賦聲摩空

祁奚舉午

子罕辭玉

六卿賦詩

吳文節公遺集卷七十八

男養原謹編

試律詩

人情以爲田

得情字

政事通農事如田取譬精藉茲二壤則用準兆民情疆  
理期仁熟栽培驗禮耕苗原心地苗禾本性天生穀我  
欣同抱芸人自有衡慎防茅與塞勿許莠潛萌風雨從  
羣好雲霓協頌聲康功欽

帝德萬物譜由庚

道德爲藩

得藩字

道德防閑峻羣倫仰達尊懋修方立極  
足爲藩地利卑何恃天君慈益存四維基性命一意固屏垣申畫  
憑心範寅恭重禮門坦途遵蕩蕩廣厦庇元元化自縣  
區飲威真匝宇宣

邛隆恢

聖域詠蹈俗咸敦

大廈須異材

得材字

經營規大廈幾費匠心裁莫漫誇新製須知待異材擇  
先羣木度底許萬間該隆棟初占後深根厚積來百年  
資磊落一顧失蒿萊豈復容拳曲從教詠實枚瓠棧奇

構聳風雨故山培城樸歌

醲化翹翹逸才

應天以實不以文

得天字

一德欽

皇極凝承想應

天繁文儀必黜篤實政勤宣理契蒼穹後思通白賁先  
珠囊敦樸俗玉檢陋華篇器合陶匏薦符教識緯捐大  
哉惟穆穆奉若自淵淵聲色涵真宰行生感化詮漢臣  
徒著論

昭事仰

承乾

主善爲師

得師字

聖德欽兼善

宸修仰作師

執冲猶若惕集益倍多賚撮壤曾何補涓流詎少遺兩  
端憑愼擇一字足深思訪道懷前軌陳書式上儀與人  
同乃大能自得何疑鐸已循時稟旌還進處垂從知

皇極建萬寓洽

敷施

導氣以樂

得和字

協氣旁流日寰區受福那宣幽詩教廣導滯樂章和  
竹音胥合裁銅律豈訛化機傳抗墜舞節應婆娑  
天地原同洽陰陽妙與摩盎然春意滿美矣夏聲  
多感物應知德依言足永歌雍諧鳴

盛治遵道頌無頗

執沖含和

得懷字

淵沖欽

聖德和易仰

宸懷執極爲民表含醇與物偕川流符息息罔羽助  
嗜嗜辰告羣猷翕寅衷百職諧兩端權本末萬彙育根  
莖

陬溼中胥協甄陶樂孔皆函三宏

舜智抱一式

堯階仁讓霑

醴化書雲瑞靄佳

儉開福源

得源字

儉德欽

皇極敷民禮教敦

一人垂以範五福濬其源式用三年準承庥百祿蕃水  
衡權息息川至比涇涇蟋蟀追遺俗鴛鴦奏雅言永圖  
懷益慎介祉荷常尊爲獲豐亨效都關節制存

九重多祐集淳化治黎元

勞謙得其柄

得謙字

有勞期勿伐終吉叶鳴謙爲柄方基德稱隅比重廉相  
持常似歉所抱定能恬挈處餅誰假歆時器藉砭美哉  
冲是執惕若守彌嚴厲自拳拳服躬抑抑嫌光風饒  
可挹朏月好同瞻

聖量淵涵著羣生義共漸

信及翔泳

得翔字

有孚期以信及物感無方海濶資魚泳雲高任鳥翔蒼  
同浩落白水與汪洋六律諧丹鳳重波淡赤魴書傳

鳴鼎瑞史紀躍丹祥昔好鶚應化文成鱷亦藏天淵知  
道察沼藪沐

恩長

盛世覲儀舞羣欽

至德彰

九歌揚政要

得揚字

府事稽隆古虞廷化遠揚九歌先執要百度此提綱載  
采官無曠惟時德共襄軒轅傳皞皞鼗管寫洋洋從律  
參功敘和聲協拜颺敷施疇建極美善舞成行咸樂宣  
風廣何煩計月詳

宸猷探治本詠蹈仰

垂裳

近說遠來

得來字

蕩蕩遵隆軌

皇猷遠近該觀光同怵悅拱極更綏來尊已康衢酌航  
會薄海回舉頭看就日傾耳及無雷覆露三霄仰占風  
九譯開丁編皆皞皞玄步亦恢恢情共丹忱寫

恩從紫陛推萬年甌鞏固中外荷

栽培

左右惟其人

得人字

一德商王格欽哉稟用人匡扶惟左右慎簡卜臣鄰宮  
徵鏘鳴珮圭璋肅奉宸乃心憑汝翼如手倚予身就列  
重階峙分曹九棘遵席真虛位待座不藉銘陳記合言  
兼動端求義與仁弼諧襄

到治

聖哲迪忱恂

崇舉九賢

得賢字

九官稽上世師濟贊羣賢翹舉良材集登崇異數延四  
鄰欽拜手百揆共仔肩一一明揚後三三宅俊先惟歌  
功敘懋載采德言宣雲日觀光地山川底績年五千諧

服弼二八慶班聯慎簡瞻

宸極師師卜彙連

九德咸事

得咸字

詢事稽虞室釐工表至誠九官咨已豫一德感惟咸祗  
六勤風勵宣三等日監樂成諧尹職歌勸重民岳刊旅  
功居首敷施範啟緘調鴻同弼服觀象煥朝衫贊贊期  
襄治師師其軼凡

聖人澄敘切廉法守胥嚴

循名責實

得賢字

名實期相稱知人稟昔賢循難憑倖獲責每待求全耳

食應無誤躬行慎必先虛車徒致飾贗鼎漫爭妍摘藻  
文誰擅飛蓬譽偶傳馬嫌唐市幻龍笑葉公偏未許鴻  
聲濫端須駿德宣賓門欽

聖哲多士荷

陶甄

拔十得五

得才字

拔士期能得精心課此才十全殊落落五美亦恢恢強  
平衡難爽無雙譽孰推懷珍平斛較協瑞朶雲裁詩格  
分聯記文壇飭伍回室知忠信聚嶽待降生來儻獲兼  
人質應成補闕材賓門宏宅俊濟濟荷

栽培

博選爲本

得賢字

鵬冠論國本  
郅治愼需賢  
選以高能入  
情偏博乃專  
盡升才二八  
豈數客三千  
金自雙南重  
珊須一網聯  
不妨周白屋  
合許寶青錢  
擬菽中原采  
如茅比巢連  
鵬圖方汲汲  
鳳翽已翩翩  
鰓俊

恩波渥羣材拱

帝筵

師克在和

得和字

俘捷欽

威憺師貞叶吉多秉承資

廟畧克獲想人和協氣騰貔虎同心肅鶴鵠鷹揚皆

聖武鳧藻亦

恩波雨自因時沛星原列宿羅臚歡分甲士送喜入饒

歌禁

安堵來蘇

止戈洗兵長不用萬里挽銀河

偃伯靈臺

得功字

皇威無外振偃伯奏膚功絕塞誠和候

靈臺詠蕩中柳榮

仙仗綠花拂

御旗紅貔虎歸羣伍龍蛇掣半空照經沙漠日颺徧

液池風瑞靄

宸居迴官司

武庫崇

渥恩周七萃

錫命重三公

文治光華洽梯航萬國同

時平壯士無功老

得平字

一劍全無用消磨壯士情功名驚老至際會慶時平蹇  
任封侯數歡騰偃伯聲烽煙方息警絳灌敢爭衡四海  
歸心久孤懷撫髀縈身名驢背穩骨相虎頭輕世已登

咸頌翁猶矍鑠鳴安危終繫望報

國此長城

民生在勤

得勤字

邦本民爲重箴規凜舊聞厚生勿壞精業貴能勤日

計程須課星從志豈紛百篇期所獲千耦趣其耘居肆  
工無曠牽車力孔殷策躬先急急鼓腹亦欣欣積累功  
惟寸光陰惜分求依

宵旰切萬寓荷

陶熏

吉人辭寡

得辭字

吉人能吉語端合寡尤期自有雍然氣都無率爾辭蒨  
言澄已淨蘭臭靜彌滋六位謙符德三緘豫慎思鳳原  
高噦許龍敢漫雕爲偶覺罪如玉何曾出比卮其傳應  
不朽所發本因時

綸綽欽

天語揚

廷用式儀

遜志務時敏

得時字

典學殷宗尙良臣著訓辭遜先期勵志敏亦貴乘時益  
待謙相受恒須慚與持欲然知止境惕若健行思性定

身文館公遺集卷十一  
不能養心虛竹是師光陰駒迅否術業蟻同之豈但矜  
卑牧端應頌緝熙

慎修

宸極建

矩矱萬方儀

文垂雅頌音

得音字

一片承平奏高文著作林雅材垂鉅製頌德振遺音朝  
廟規模合宮商蘊蓄深百篇誰獨擅三代此同吟燕譽  
歌應鴻庥誦亦欽書摹金與石拍按瑟兼琴體已富  
時賢原還正始尋和鳴多士洽

教澤仰

咸臨

游思竹素園 得思字

竹素堆齊架。翱游寄遠思。名園贍翰墨。藝圃課畬畝。迎刃逢奇解。開緘啟夙疑。攻堅通節節。入扣悟絲絲。商畧虛心後。裁量斷手時。青箱繙舊學。黃絹味新詞。觸目蒲編積。羅罽錦段披。

幾餘勤

乙覽

遜志萬方師

染人甚丹青

得青字

漸染須資學虞公著典型知原區黑白功乃甚丹青貸  
潤思探西含章陋識丁梓材塗益沃竹簡拭猶熒朱合  
潛相近監曾舊與經花濡三寸管共漬十分馨篆已吞  
他日藜應燦大星

薰陶欽

帝澤多士貢

彤庭

殿前作賦聲摩空

得聲字

殿敞嵯峨勢人高著作名才華前日賦摩盪半空聲雙

闕觚棱峙重霄咳唾生置身宜上界昂首想吟情筆  
行雲遏詞還擲地驚大千隨響答尺五與天迎手定又  
時速音從鍊處鏗何如鳴

盛世乳縵慶同賡

祁奚舉午

得親字

鼎閥傳祁氏公忠特舉親克家欣有子報國凜惟寅直  
欲誇觀梓何妨許負薪象賢良佐選鷁退老臣身鳴鶴  
知曾和騰駒信久馴耦俱羊舌在濟美鳳毛新豈必門  
楣襲能令治譜遵無方欽

顙俊世胄拜

恩綸

子罕辭玉

得辭字

有玉非吾寶高風子罕推人方矜所得此獨妙於辭璧  
自完相謝圭妨玷或滋守原貞介石貪每稟汗危聲價  
司城重廉隅報國期儵教移玩好未必不瑕疵應笑雙  
環請何來十數貽官箴先六計潔白効

清時

六卿賦詩

得詩字

晉鄭邦交固賓筵又賦詩六卿高致擅四始雅材推壇  
坵新吟壯文章厚貺貽徵詞與國俗言志重鄰施露瀼

車同處風瀟蕩隕時裳  
舉思惠愛裴飾仰威儀  
恰許鴻篇藉相將燕好期  
不須愁伯有祖席盛今茲

吳文節公遺集卷七十九目錄

試律詩

忠信爲寶

榮名爲寶

金心

若金作礪

金釭銜壁

一片冰心在玉壺

琥珀拾芥

鄉貢八蠶縣

臺笠聚東菑

臺笠聚東菑

瓊鑪會

持衡留藻鑑

鏡清砥平

若網在綱

以禮爲羅

虛車之飾

治國如張琴

雨過琴書潤

床上書連屋

杼軸予懷

爾惟鹽梅

詩清都爲飲茶多

茶煙織樹微分縷

百穀權輿

分秧及初夏

良苗亦懷新

麥具四時氣

百穀仰膏雨

采菽中原

春初早韭

綠垂風折筍

吳文節公遺集卷七十九

男養原謹編

律詩

忠信爲寶

得儒字

瑰行如懷寶潛修特重儒已教忠自礪益矢信爲符風  
雅昭前什珍奇示遠模在中金合耀歷久石何渝比玉  
瑕瑜判如圭頰問孚誠原推素節約亦炳丹圖失足嚴  
心矩羅胷朗智珠

右賢

宵旰切多士其忱輸

榮名爲寶

得榮字

學本先崇實賢尤慎立名殊稱儒者寶令聞士林榮行  
合銅相礪功須石其貞金甌他日望珠樹舊時聲華袞  
思終譽虛車恥過情千尋材特達十倍價增評竹帛銘  
何遠圭璋號匪輕懷才咸待聘

化澤被寰瀛

金心

得中字

鍊冶超心處如金美在中蘊涵光益炯堅定質胥融精  
白衷常凜通黃理勿窮才應三品重利或二人同擲地  
文思富裁鎔意匠工道原珍其錫行合擬諸銅礪乃占

從革陶之藉啟蒙

至人懸

德鏡光被仰

淵冲

若金作礪

得金字

巖野求賢傳商王表智臨徵才推作礪式度慎如金啟  
沃思良切磨礪義益深似銅期素行匪石課丹心節本  
廉隅飭功應砥柱任貢荆同采納涉渭等披尋穎或囊  
從昔礪教發自今

陶鎔隆

聖化多士共輪忱

金缸銜壁

得缸字

壁帶傳新製精金截作缸飾來珠若貫銜去壁初確瓏  
璨連瑤砌熒煌透綺櫳一規虹氣束四面月華融貢采  
南邦美輝含北闕崇明黃光耀遠虛白影嵌空七寶幢  
同麗三雲殿比工

宸居敦樸質匝宇荷

恩隆

一片冰心在玉壺

迢遞良朋面晶瑩獨客心語將冰操在貯此玉壺深此

子塵無雜惟寅念夙欽霜威嚴素履風骨寫初襟四照  
芒逾正雙清迹可尋轉之原匪石中處豈方金直是光  
明界何曾熱惱侵况茲逢

聖代廉法勵官箴

琥珀拾芥

得從字

感物偏殊類靈奇琥珀鍾拾將平地芥釀出大年松滋  
液何時結須彌此際容丹黃區品質青紫比遭逢枕豈  
誇新製舟應繫定蹤晶光隨入手纖帶藉消胷得氣微  
機洽含英古色濃

聖人賢是寶茅巢慶相從

上三卷之選集  
鄉貢八蠶絲

得吳字

南徼輕絲好原蠶氣候殊稱功誇入熟作貢紀三吳  
旻徧花風久祈當穀日無按時重獻爾計口共歌禱鳴杼  
鸞音協承筐蟹跪俱七襄工莫擬百筐遠能輸吉貝參  
庭實冰絲陋海隅

聖恩同衣被琛賚洽寰區

臺笠聚東菑

得菑字

農功勤首夏力作聚東菑驟雨臺剛擁炎曦笠又披  
簪喧初霽後影亂晚風時乳燕翩翩掠鳴鳩拂拂隨一痕  
殘潤挂半晌夕陽欹遠陌秧歌答前村牧笛吹有人聲

饅餉到處習胼胝

帝澤如春渥綏豐萬井熙

臺笠聚東菑

得菑字

臺笠紛相望春農正課菑關心三白後聚首八家時煙  
外團團簇風前側側窺早禾千耦急濃絮一肩披擁趁  
牛歸緩低妨燕掠遲歌喧新漲口簪蘸遠山眉斜日諸  
村淡豐年幾輩期辛祈廛

帝念東作徧熙熙

羶鑪會

得寒字

有約尋佳會相於樂歲寒羶鋪吟榻穩鑪擁醉鄉寬雪

白蠶紋蹙星紅獸炭攢坐餘情煦煦圍去話團團枕藉  
花爭軟光陰芋共餐席當排處暖灰向撥來殘圖出新  
春信聯將舊雨歡黨家豪已甚此境得知難

持衡留藻鑑

得衡字

五字投新什千秋仰作衡才華權不爽品藻鑑同清持  
以空空宰因之物物呈垂青經屢照別白定真評止水  
符澂澈虛堂寫性情分如金在冶尺是玉爲程賢相風  
流著詩人月旦評何如欽

聖哲四達擴聰明

鏡清砥平

得平字

鏡心欽

主極砥路協民情寰海徵清澈方隅仰

治平秦臺原共燭周道足爲程高朗塵容淨漸摩軌迹  
橫離方輝卓午履已樂由庚玉潔昭

醲化山呼効至誠河先高浪靜星亦泰階呈

聖代金甌固唐臣賦漫賡

若網在綱

得條字

網以綱能舉書言政治昭疎原非數節貫必凜同條操  
縱心先得恢張手亦調開隨三面濶布任四維遙一目  
提何礙千頭靜不聳擘來憑緒引循處藉繩標經緯分

羣紀絲綸荷

九霄

聖猷升秩秩釐績勉臣僚

以禮爲羅

得羅字

英才投筆起知遇感搜羅吏部文思壯將軍禮數多河  
陽開壁壘冀北效婆娑鴻路儀原可駒場繫若何袞裳  
魚豢頌心腹兔罝歌掩雅收羣策分榮媿五紘三驅應  
共奮一日豈同科籲俊瞻

皇極高岡協鳳和

虛車之飾

得漸字

德必徵諸實通書至論參如車虛致飾視履益增慚象  
豈金根貴鸞知玉節諳積中功取載務外澤徒含斗運  
欽居北杓旋慎指南倚衡時有見炙輶漫爭談同軌隆  
文治扶輪大雅堪

聖人昭樂御遵道頌

恩覃

治國如張琴

得琴字

樂聲通政體治國義堪尋張弛憑揮手安舒譬撫琴道  
原昭穆穆度亦式愔愔舜軫輝星日文絃契古今最優  
先重德逃聽足平心奏雅思恭已移情協有壬九歌孚

上理三代想遺音賡拜逢

熙世儀

廷四海欽

雨過琴書潤

得書字

一雨欣纔過煩襟已滌除氣先澄戶牖潤直到琴書眠  
趁濃陰外吟添夕照餘花黏敲片片芸漬透徐徐前調  
彈應緩殘痕摺漸舒溼嫌泥汗燕絨恐蠹生魚都覺纖  
塵洗剛宜斗室虛

宸懷

幾暇洽

膏澤徧民間

床上書連屋

得連字

瀟灑將軍室名書萬卷傳  
皮床惟所適與屋欲相連  
入坐芸芬襲排籤錦色鮮  
清猶虞氏榻小擬米家船  
枕借攤時擬城如擁處專  
打頭何礙狹抱膝定多便  
蠹碧蟬紅際三間五架邊

右文羅四庫士類沐

陶甄

杼軸予懷

得懷字

由來辭已出舒卷取諸懷  
杼軸曾無滯文章此絕佳  
藻

辭紛若繡花樣巧難階出手機絨得羅罽錦段排裁雲  
誇織室挾漢俯星街軋軋含毫後絲絲入扣皆縹囊原  
夙好鞵綫豈同儕

養正

奎章麗卷阿協韻諧

爾惟鹽梅

得和字

商代調羹手鹽梅劑不頗俎原無或越食已妙同和匕  
箸籌能借酸鹹辨豈訛霸才空海國渴思久巖阿齏味  
甘曾慣籩人實共羅功教如水浹化待暨筐歌負鼎賢  
聲繼觀頤吉養多大烹欽

帝德百爾沐

恩波

詩清都爲飲茶多

得清字

借叩新詩境何來爾許清沁心茶久飫脫手草初成味  
已多時領經曾幾度評唾餘皆沉瀝咀去必菁英筆露  
千毫浥思風兩腋生癰原仙客果豪豈酒狂名冰雪滿  
凡豔雲霞淨綺情石泉如夢兆佳句待同賡

茶煙織樹微分縷

得微字

茶鐺支樹底繞樹儘煙霏組織千章密分明一縷微淡  
痕穿更續輕緒裊還稀虛白縈三徑濃青壓四圍擎披

看鶴去梭擲帶鶯歸手段春風試光陰夜月依翻隨花  
樣巧斜綴柳絲肥領畧林泉味清詩契靜機

百穀權輿

得輿字

紀侯長羸屈陽滋百穀舒田功基俶載穡事卜權輿按  
序先區種乘時亟課畚熟應占酉慣伏好驗庚初醞釀  
甘能作胚胎實已儲破空驚趣鴈取次兆多魚脈土隨  
方郢穰金祝滿車

聖人勤本計歡樂萬方臚

分秧及初夏

得分字

最愛逢初夏旧歌四野聞麥剛前日刈秧及此時分鉞

度排來迹衣添綴處紋連番梅雨卜幾簇棟風薰程課  
兼纁繭光陰計趣耘馬蹄驅滑滑龍隰界紛紛種種曾  
區種胼胝敢惜勤劬農塵  
聖念多稼慶如雲

良苗亦懷新

得新字

體物工陶令良苗入望勻荒唐嗤助長勃發喜懷新抽  
處和風扇含來澍雨醇遠痕浮驛驛生氣盎咿咿奢許  
農心望腴資地力均向榮如有意成熟定無垠紀候龍  
初見

雉漸馴綏豐欽

帝澤四野樂吹豳

麥具四時氣

得時字

降康穉麥頌佳氣妙含滋計穫開千畝儲精歷四時令  
方逢夏假功待話秋期日至從頭數風來逆鼻知遙遙  
榮鞠憶續續插秧宜改火周新燧穰金課舊畱漫教誇  
再熟端合美雙歧

宵旰民依切綏豐荷

德施

百穀仰膏雨

得膏字

百穀敷榮象都綠雨沛膏懷新覘地美滋液仰天高風  
葉扶千耦雲陰盼幾遭快心霑沃野喜色潤晴皋農望

隨欣慰禾歌寫鬱陶犁痕蘇一撥溪漲課三篙缶計盈  
時好琴原播處勞

聖躬

雩祀肅

恩澤萬方叨

采菽中原

得文字

瞻彼中原菽因之藉喻文取材歌采采集義燦紛紛新  
什摘華盛陳編撫實勤斗升詞苑較畦畛硯田分鄴架  
探能獲曹倉貯更欣礎書期遠紹稗史亦多聞果腹糧  
須饋根心莠待耘菁莪隆

身文館公選集 卷七十一  
教澤吉士沐

陶熏

春初早韭

得初字

食籍商量熟春園自課蔬芹香調得未韭嫩摘來初恰  
趁辛盤好剛逢甲拆餘凍畦融滑滑夜雨翦徐徐味已  
連番飫根還一束鋤不堪何氏箸雅愛庾郎菹豐本名  
會習新芽饌合儲山中饒旨蓄寒菜又秋畬

綠垂風折筍

得垂字

新筍將成竹林邊嫩綠滋忽經風力折爲惜露梢垂籜  
解青膚後聲鏗碧玉時盼來龍待奮掠去燕還欬濃訝

捎苔徑低應壓水漪輕煙籠宛轉餘粉墮參差草帶遙  
同偃花嬌近欲移

御園韶景麗暖意扇微颺

吳文節公遺集卷八十目錄

試律詩

階前樹拂雲

寒松有本心

擬聽杉篁葉上聲

修竹引薰風

律比崑崙竹

看竹何須問主人

百花香裏看春耕

奇花初胎

野館濃花發

鳥散餘花落

桃花帶雨濃

紅杏尙書

紅藥當階翻

朱華冒綠池

柳橋晴有絮

點點楊花入硯池

池塘生春草

草銜長帶

青出於藍

風約半池萍

蘋魚漾碧

青鳥司開

渴鳥啄冰開

鳥窺新卷簾

鶯鳴求友

春漏方殘一聲曉

燕外晴絲卷

雨燕集深條

魚瞰雞睨

思賢詠白駒

水清石出魚可數

魚戲新荷動

八月團臍九月尖

蜂重抱香歸

吳文節公遺集卷八十

男養原謹編

試律詩

階前樹拂雲

得雲字

信有參天意  
階前樹不羣  
皴來應溜雨  
拂處欲凌雲  
勢直千尋聳  
陰須百畝分  
半空餘晝靄  
一碧共氤氲  
濃淡垂華蓋  
青蒼倚繡紋  
庭寬霑曉露  
窗近隱斜曛  
蔭合潛虬結  
棲知宿鳥欣  
栽培逢

聖世紉纓驗祥氛

寒松有本心

得心字

自有凌寒質喬松植遠林本來貞守意常此後彫心鳳  
蓋垂濃蔭虬枝藹夕陰根蟠巖嶽嶽春護澗深深閒合  
歸雲擁森宜冷日侵風颭堅素節霜雪寫初襟地迴忘  
榮落山空閱古今

栽培歌械樸

帝澤萬方欽

擬聽杉篁葉上聲

得聲字

不教清夢穩淒緊送先聲風雪來應驟杉篁聽最明幾  
時欣入耳中夜爲關情曾否翔龍舞將無凍雀驚定能  
修幹擊莫使折枝傾密或跳珠亂疎宜碎玉鏗者番迷

曲徑許久對寒檠便擬侵晨去林邊瀹茗鐺

修竹引薰風

得風字

何處宜消暑新培竹幾叢豈徒障午日更與引薰風鳳  
尾迭深徑鸞音宕遠空竿頭涼信到天末曠懷通爽籟  
逢林下清襟挹座中炎消窗四面陰藹地三弓樾蔭森  
難擬荷香遞更融

虞絃歌解阜篠簜貢南東

律比崑崙竹

得和字

山勢崑崙矗叢生竹箭多取材原有準比律定同和枝  
葉修繁冗宮商任盪摩鸞音吹本合鳳琯譜詵清淑

中聲備參差逸響羅籟應傳玉節韻不數銅柯六管調  
如許千林植若何

睿謨昭豫順協氣徧謳歌

看竹何須問主人

得人字

欣然隨所遇修竹每招人但覺娛心目何知辨主賓煙  
雲情一往風雨意彌親唐突爲開徑周旋迴出塵相偕  
君莫逆不速客休瞋祇欲平安訊翻嫌款洽頻蕭疎忘  
地僻脫畧妙天真興盡歸來晚深林月半輪

百花香裏看春耕

得耕字

百卉剛敷豔三農正課耕香從芳甸襲春向遠郊迎入

耳流鶯語關心叱犢聲綺霞千耦合酥雨一犁輕錦幄  
繁新色鞭絲寫夕晴紫紅紛紛處處臺笠側盈盈鴉背攜  
鋤利鱗原看砥平

親推隆

種精豐稔兆西成

奇花初胎

得初字

詩妙摹能似花奇釀未舒萬言揮手後一瓣結胎初心  
地香應足辭條蔓已除天工滋息息春氣養徐徐葶甲  
爭新處艱辛課植餘蘂珠圓自抱跼萼飽相儲不盡生  
機益憑教健筆攄裁雲輝五色賡拜侍

彤廬

野館濃花發

得濃字

使節詞曹出春光客邸逢適來山館靜看徧野花濃膏  
雨郵程渥東風驛路從村墟開畫本紅紫豁塵容游草  
吟增麗皇華誦益恭有芳誰按譜卽賞暫留蹤司馬傳  
輶乘諸蠻肅簡封文章期報

國滄海導時雍

鳥散餘花落

得花字

不覺驚飛鳥翻教惜好花繁英餘更落軟語散無譁鈴  
蹠憐聲出旂搖剩影斜慕然捎蝶夢許久引蜂衙逐隊

看初起飄香想益賒雪霏仍此地風暖又誰家新綠前  
頭蔭殘紅轉瞬加熙春欽

聖澤物態靜中嘉

桃花帶雨濃

得桃字

洗出穠華態春郊萬樹桃豔蒸霞作幄濃帶雨如膏游  
約前溪好聽猶昨夜勞低痕湔碎錦淺暈醉芳醪綠漲  
新流膩紅酣曉色高滑纔鋪繡蔚肥欲趁銀刀風暖迷  
迴岸煙霏霽遠皋仙源如可問擬待泛輕舸

紅杏尙書

得京字

別著尙書號芳稱羨子京碧紗籠合許紅杏句初成體

格吟多麗頭銜署亦清東風司上界湛露拜春城豔豈  
衙官摘香教畫省生蘭臺新史學棣萼舊科名好稱桃  
緋賜還宜柳帶榮何如栽植處

恩向日邊迎

紅藥當階翻

得翻字

藥欄春許駐薇省午方暄白晝閒階永紅粧側豔翻迷  
離酣旭影掩映碎苔痕粉蝶看初上游蜂引更喧霞烘  
光欲沾風軟力還掀香氣侵珠箔晴輝漾彩旛圍腰曾  
認帶婪尾擬開尊

上苑名葩燦親承

雨露恩

朱華冒綠池

得池字

一碧渾無際新荷正滿池  
施朱華遠冒凝綠葉低垂初  
日扶穠豔微風逗淺漪  
玉盤擎面面珠顆耀枝枝  
襯合濃雲蔚研剛曉露滋  
軒然敷鶴頂沃若蘸燕支  
塵淨香能透花妍暑不知

御園欽

睿賞爲誦建安詩

柳橋晴有絮

得橋字

晴色漫空舞垂楊曲曲橋新流三板活飛絮半天驕  
棉

脫看千樹茵鋪指一條濃防鶯路隔軟趁馬蹄遙暖雪  
雙欄護斜陽十里描迴風迷雁齒點水誤魚苗高欲黏  
村旆輕還逐畫橈

液池春景麗拂露待趨

朝

點點楊花入硯池

得池字

作意楊花舞偏教近硯池飄來剛點點蘸入尙絲絲暖  
雪簾旌壓晴雲帳外披漾疑鵲眼活膠誤麝煤滋錯落  
參飛白輕盈悟染緇滌應繁客思捉好趁兒嬉

靈沼生萍候

金坡視草時捷書傳細柳饒吹譜新詩

池塘生春草

得生字

憶弟西堂會吟懷分外清綠池春草徧入夢筆花生李  
甲催新意芳辰寄遠情一天迷杳靄五字助菁英拾去  
餘馨在窺來活色迎煙波成獨賞風雨記同賡景自孤  
悰爲思從兩地縈芙蓉初日麗詩境待重評

草銜長帶

得銜字

一碧圓如許芳園草色銜鋪茵迷遠道擬帶束低巖屐  
齒環相印峯腰簇莫茝鈎曾苔徑屈金任菜花攪林豔  
分紅綬春痕上綠衫荇牽隄欲接柳拂綫初緘密縷鶯

身才自公遺集卷八  
梭擲連錢馬勒嵌敷榮欽

聖澤協氣譜韶咸

青出於藍

得青字

青本因藍得藍偏遜此青溯源窮所出程效愧相形漸  
漬思前度涵濡閱幾經袍看痕逗露襟憶采零星紙任  
雲光研藜驚火色熒卵天何皎皎春水但冥冥比素巖  
緇化如朱其墨銘彰施敷

帝治作服仰

彤廷

風約半池萍

得萍字

幾日臨池上全鋪四面萍忽經風約束半讓水清冷一角奩開鏡中央障隔屏苔磯窺逗露絮果滯零星影劃雲頭白痕移岸腳青鳴茵排欲疊鷗夢曳初醒渙若微波皺飄然碎葉停

恩波霑

太液蒲藻効芳馨

蘋魚漾碧

得池字

領畧觀魚興新蘋碧滿池一痕驚漾處數尾乍跳時逐隊梭雙擲分行葉半欹銀絲紛撥刺玉暈碎參差莖豈因風約漚還帶雪吹驟衝鷗路去濃蘸鴨頭移楊柳飄

身子管子集  
前度蘭苔襯遠湄

宸居歌

樂愷游泳愜

敷施

青鳥司開

得開字

誰執司春柄軒然淑景開蒼龍乘帝德青鳥辨官材  
談蕩晴霄敞飛鳴節使來鶴書迎此日蟄戶啟先雷  
徑向花封闕衙經柳岸回羽儀占候久闔扇課農纔  
出谷將鶯待營巢喜燕催登臺熙

聖世和煦徧埏垓

渴鳥啄冰開

得冰字

渴鳥翩翩下蒼然凍色凝團來平野陣啄透淺溪冰裂  
側沿低岸聲鏗上遠習忍寒輕吻厲分潤瘦拳騰殘雪  
衝猶噤迴風咽未勝餘情鳴得得薄暈洞層層前隊飛  
相逐翠羞養待增一林巢護穩歸路夕陽乘

鳥窺新卷簾

得簾字

庭鳥闌珊意垂垂悵隔簾卷纔通曲榭窺忽趁低簷銀  
押懸剛穩珠喉轉益恬波紋驚一瞥香篆訝重添態似  
依人慣情疑賀廈占攬身思樹底偷眼恰鉤尖院寂風  
光暖軒開日影遲

聖恩欽

茂育淑氣鬻

堂廉

鶯鳴求友

得鳴字

淑氣催同調流鶯作意鳴移人方睨曉求友亦和平話  
雨交交共臨風欵欵輕苔岑三月路蘭訊一春情柑外  
相砭意簑邊並坐聲比鄰垂柳接開徑雜花生鳴鳴隨  
呼侶鵲鵲合效誠

上林飛可卽喜起答重賡

春漏方殘一聲曉

得聲字

破曉覺春生春鶯試送聲漏方沈寂寂簾欲度盈盈銀  
箭慳如咽珠喉澀轉清醒來游冶夢催起惜芳情新暖  
層霄逗餘寒一枕輕樓臺三月 烟樹萬家晴花外雞  
初歇梁間燕乍驚

上林風景麗願入和韶笙

燕外晴絲卷

得絲字

凝睇晴欄外長空卷一絲渾如蛛裊暗瞥覺燕飛遲翦  
翦頻相續涎涎緩與隨軟紅翻羽迅虛白隔簾移斜欲  
兼風度輕疑帶雨披香泥黏去後落瓣蹴來時遠態衝  
明滅微痕罨合離閒閒庭院寂觀物寫新詩

雨燕集深條

得條字

爾燕何匆劇溟濛雨意饒低飛剛遠陌小集又深條路  
溼迷莎徑陰濃趁柳橋倦情霑絮重軟語隔花邀門巷  
悄悄久樓臺去去遙風前沈繡幄煙外翦輕綃白點連  
番急紅襟半晌描香泥巢待補歸影傍疏寮

魚瞰雛睨

得簫字

動物微音妙悠揚譜洞簫魚游神似瞰雛睨影還翹天  
籟餘清澈靈機感寂寥窺來萍乍定立處遠水  
圓聲合閒窗逸響饒烟波音激石風雨韻飄颻入夜更  
曾守談經聽亦超何如翔

聖世儀舞被

英韶

思賢詠白駒

得思字

溯洄賢友在興感白駒詩脫口成高詠因心寄遠思他  
山凝睇久空谷好音貽不盡攄藏寫居然待繫維徘徊  
今夕永珍重古人期落月孤懷迴臨風一卷披直從馳  
繫處爲想駕言時况值

旁求切先驅合漸達

水清石出魚可數

得魚字

一水清如許鄰鄰石骨舒氣先澄野馬樂可數游魚衝

尾來旋去駢頭密復疎玲瓏剛出穴鱗鬣恍騰虛急或  
飛花趁浮還落絮噓釣竿憑指點橋影誤紆徐境寫空  
明外神饒活潑初

豫游欽

樂愷

靈招仰

宸居

魚戲新荷動

得新字

池面風初定游魚戲忽頻縈迴浮藻合搖動早荷新乍  
覺微渦昀徐牽細浪皺弱難扶翠蓋纖欲罨紅鱗影誤

驚花片絲妨礙釣繒珠圓參錯瀉錢小戛摩勻鷺眼偷  
應速鷗眠攪亦馴

豫游欽

茂對景物霽

楓宸

八月團臍九月尖

得尖字

慣飽江鄉味持螯快屬厭秋期常八九臍樣別團尖饒  
吻更番動寒庖取次添橙宜香共掬菱趁刺同織星火  
圓宵斲霜棱伏水匳食單雙品列飲興幾旬兼賞盼花  
三徑腴分稻一鎌老饕供大嚼佳句試頻拈

蜂重抱香歸

得歸字

隔院饒花氣蜂忙去去歸香腴都入抱翼重故低飛午  
韻紛相關春痕飫已肥味涵酥雨足力趁暖風微側側  
縈紅綬盈盈怯綠衣十分甜醞釀一半醉依稀懶共游  
絲度濃妨落絮罪

御園芳信好

茂對契研幾